

民國十五年以前之
蔣介石先生十三

根據奉化市文保會藏本復印

一九九二年九月

第七編八

黃埔訓練時期

民國十四年三十九歲十二

月
附本年革命
中外環境

第七編

八

黃埔訓練時期

民國十三年十四年卽三十八歲三十九歲

民國十四年

十二月一日第三縱隊攻鄂軍第三團克

復平遠。

下午答謝省城慰勞隊晚醺享之

公曰郭松齡宣言倒此擁彼可稱滑稽然非如此矛盾則北方大小軍閥何至自行瓦解舊時代勢力之崩潰卽在於此

民國十五年
年以前之蔣介石先生

第七編八

黃埔訓練時期

一

二日。上午。電飭各處長。放些良心。辦事。
訓見習官。

呈請任命孔慶叡爲軍校上校教官。

公聞本黨搗亂分子。在北京希圖標異。現
因國民軍勃興。不能活動。行將無形取消。
悲懼交深。

三日。呈請任命馮軼裴爲獨立第二師師
長。薛仰岳爲該師第一團團長。涂思宗爲



第二團團長。周址爲獨立第三團團長。宋

時忱爲第三師第七團團長。

因第三師譚師長辭兼職

徐庭瑤爲第八團團長。

下午有學生十餘人同第一師政治部主任李公俠爭來訴狀。公俠報告共產勢張四圍都非同志。意在激成本黨黨員互相仇恨。慫公監視公以近日非共產與共產之訐愈演愈烈。謂足使本校本軍內部分

弱黨禍急矣。

晡巡視醫院。

又發電周蔭人交涉消滅殘逆。
是夜又自關岳廟遷往涵碧樓。

四日上午看社會進化史。

晚歡宴第一、第三兩師官長。卽席訓話要
旨。革命軍須保持精神。不可沿歷來軍隊
演壇之慣例。

公曰。余稍不如意。而快色蹙容。卽見於面。夜中輾轉無寐。自忖胸襟太隘矣。以今日之地位。與辦事能如此。放手而尙嫌不足。何自苦乃爾。

五日下午。主祭。東征軍陣亡將士追悼會。肅立靈前。一句鐘。

軍校第三期同學錄告成。公序之。序曰。閱牆之禍。甚於外侮之內。侵革命之成全。

憑同志之相愛與相親。傳云「親親而仁。民仁民而愛物。」革命之道。仁愛之道。亦親親之道也。大學之道。在於明德。親民而止於至善。革命之學。始於格致誠正。而終於修齊治平。大矣哉。革命之學也。革命之學。大學也。革命之道。大學之道也。不止於至善。不能窮革命之學。不明德。親民。不能明革命之道。止於至善者何。格致誠正也。

明德親民者何。修齊治平也。未有不格致誠正。而能修齊治平者也。亦未有不親親而能仁愛。不仁愛而能革命者也。中正奉總理命。創辦本校者。乃欲窮革命之理而行革命之大道也。深知欲革命之成。必使革命同志。以維精之理。至誠之意。團結精神。以學校爲家庭。以同志爲手足。以親親之道。而親同志。以愛物之理。而愛同志。

則主義實行其有豈乎夫同志之共生死
同患難其關係之密切有甚於父子兄弟
之親也而團體之存亡成敗乃有重於其
家庭間骨肉手足之生命也一年以來集
合五百同志成立斯校於全國瀰漫反革
命空氣之中招募三千子弟組織本軍於
四周假革命環境之內回顧經過歷史晦
蒙否塞未有甚於此者也今春孤軍挺進

於潮梅同志死傷者六百餘人。桂軍袖手
旁觀於東江。滇軍且通敵以謀襲我後。孟
夏回師廣州討伐叛逆之楊劉。死者傷者
以百數計。而沙基之役。帝國主義之英法
殘暴襲擊。竟使我同志死者至二十人之
多。而傷者不計也。八月廖公被狙反革命
派之陰謀畢露。先平梁楊。後滅鄭莫。各方
懷疑叢生。中正幾成爲衆矢之的。且將倫

比爲冒天下大不韙之罪犯而本軍之危殆亦成爲颶風中之孤舟其能支持而不覆者幾希矣十月奉命重征東江進攻惠州世皆視爲天險之老巢人人以爲難攻莫敵者而本軍將士目無全牛視若坦途自劉團長堯宸以下如耿澤生譚鹿鳴徐庭魁但德芳張忠熙彭繼儒金鳴章劉銘陳作云葉振南王嵩周德保諸子等死者

百三十餘人。傷者如簷。忠言曾擴情。蔣先
雲杜從戎。冷欣諸子。且四百餘人。此其前
仆後繼。視死如歸者何哉。主義之所感。敵
愾之所興。親愛之忱。油然而勃發。而不能自
已耳。海豐之役。以三百之衆。而戰四千之
暴逆。唐子同德。張子志超等死焉。河婆之
役。以一團之衆。而敵三師之強寇。橫江之
戰。林逆主力。悉數來犯。謀以三面包圍我。

軍者反爲我所各個擊破。惜乎陳子厚、王步忠、侯吉文、范濤諸子皆亡於是役。華陽一戰以三千初集之卒而攻一萬五千背城借一困守死鬪之頑敵。殉難死者自周團長保生、黨代表姚世昌、周玉冠、車鳴驤諸子以下一百二十五員。卒能轉敗爲勝。扶危爲安。嗚呼可謂榮而哀矣。自二次東征以至克復潮梅。全軍陣亡者五百九十

七人嗟乎死固壯矣而生者悲慘曷其有極。以師弟之親部屬之愛每得其死者噩耗心酸腸割不知其所止。雖百譬而終難自解。既知死者不能復生廢者不能復全乃必欲驅此至親至愛情逾骨肉手足者而使之死焉傷焉。以我今日慟悼之哀而推於其死者廢者之父母之妻子之兄弟其孤苦淒愴更爲何如乎嗚呼何其忍心。

乃爾中正之罪誠萬死而莫贖焉矣甚矣處動心忍性之逆境當風雨飄搖殘破零落之危局極惡戰苦鬪之全力而其所不得之結果徒喪失我寶貴而難得之信徒不期莊嚴燦爛之黃埔竟成爲白骨之嶽赤血之淵而於民生之痛苦民權之斲喪民族之衰弱皆無補於萬一至今軍閥作惡如故也列強橫行且有加而無已也五卅

慘案之仇未報也。不平。等條約之恥未雪也。而我總理賣志以歿。一生之抱負。及其遺我之明訓。其果有見諸實行乎。殺我同志者。敵人也。而驅我同志就死殉難者。中正也。喪失如許之同志。尙不能實行主義於萬一。上何以見總理在天之靈。下何以慰殉難將士之魂。縱人不責我我之神明。乃能泰然自安而無疚乎。此恨綿綿。